

Жаннат аҳлларига насиб этадиган покиза жуфтлар



17:00 / 02.12.2020 3763

Аллоҳ таоло Оли Имрон сурасида шундай марҳамат қиласи

نَمْ يَرْجُتْ تَأْنِيْجَ مَوْبَرَدَنْ اَوَّقْتَ اَنِيْذَلَلْ مُكَلَّذَنْ مُرْيَخَ بَنْ وَأَلْعَقْ
رِيْصَبُهَلَلْ اَوَّهَلَلْ اَنْمُنْ اَوْصَرُوَهَرَطَمْ جَأَوْزَاوُهَيْفَنْيِدَلَاحُرَاهَنَأَلَا اَوْتَحَتْ
هَدَابِغَلَاب

Сен: «Сизларга ана шулардан ҳам яхшироғининг хабарини берайми?! Тақво қилганларга Робблари ҳузурида осталаридан анҳорлар оқиб турган, улар у ерларда мангу қолувчи бўладиган жаннатлар бор. Шунингдек, покиза жуфтлар ва Аллоҳ томонидан розилик бор. Ва Аллоҳ бандаларни кўриб турувчиидир», – деб айт. (15-оят)

Ҳамма бу дунёning матоҳига ўзини уради. Ўшани деб кўплар гуноҳга ботади, динидан чиқади. Ҳолбуки, бу нарсалар шунчалик уринишга арзимайдиган нарсалардир. Балки беш кунлик дунёning ўткинчи орзу-ҳаваси, холос. Лекин бошқа тарафда ундан яхши, агадий неъматлар бор. Аллоҳ таоло ушбу оятда Набий алайҳиссаломга хитобан:

«Сен: «Сизларга ана шулардан ҳам яхшироғининг хабарини берайми?!..» - деб айт», - деб буюрмоқда.

Охират неъматлари бу дунё матоҳидан нақадар устун экани шак-шубҳасиз ҳақиқатдир. Аммо охират неъматларининг яна бир ўзига хос имтиёзи бор. У ҳам бўлса, уларнинг тақводор бандаларга хос эканидир, бошқаларга насиб қилмаслигидир.

«Тақво қилганларга Робблари ҳузурида остларидан анҳорлар оқиб турган, улар у ерларда мангувчи бўладиган жаннатлар бор».

Бу дунёда экин-тикинларга, далаларидан чиқадиган маҳсулотларга рағбат, хоҳиш-иштаҳа бўлган бўлса, у дунёда остидан анҳорлар оқиб турган жаннатлар бор. У ерда истиқомат қилувчи қайси мева ёки маҳсулотни хоҳласа, ўша ҳозир бўлади. Бу дунёning экин-тикинлари вақтингчалик бўлса, у дунёники абадийдир.

Бу дунёning матоҳлари ичида энг иштаҳа уйғотадигани аёллар ва болалар бўлса, у дунёning абадий неъматлари ичида «Покиза жуфтлар» бор. Жаннат аҳлларига насиб этадиган бу жуфтлар турли ҳиссий ва маънавий нопокликлардан холидирлар. Аллоҳ таоло уларни аслида пок қилиб яратган. Уларнинг шу покликларининг ўзи ҳар қанча ҳавасга арзийди.

Бу дунё матоҳлари ичидаги чиройли отлар, чорва ва тўп-тўп тилла-кумушлар бошқа шаҳватларга етишишга восита ҳисобланар эди. Жаннатда воситага ҳожат йўқ. Аҳли жаннат нимани хоҳласа, ўша онда муҳайё бўлади.

Охират неъматлари ичида ҳамма матоҳдан, орзу-ҳавас қилингандар барча нарсадан устун турадиган яна бир нарса бор. У ҳам бўлса:

«Аллоҳ томонидан розилик бор».

Аллоҳнинг розилиги бу дунёning матоҳларию у дунёning неъматларини қўшганда ҳам, улардан устун туради.

«Ва Аллоҳ бандаларни қўриб турувчиидир».

Уларнинг қандай яратилганликларини, нималарни хоҳлашларини, уларга қандай муомала қилишни яхши билади.

Келаси оятдан бошлаб, юқоридаги ояти каримада ваъда қилингандар жаннатга даъвогар бўладиган тақводорларнинг сифатлари очилади:

رآنل بآدۇ آنقۇو آن بۇنى د آن ل رفغۇاف آن م آن نى آن بىر نۇلۇقى نى ڈلا

**Улар «Роббимиз, албатта, биз иймон келтирдик, бизнинг
генохларимизни мағфират қилгин ва олов азобидан сақлагин»,
дейдиганлардир. (Оли Имрон сураси, 16-оят).**

Ушбу дуонинг ўзидан уларнинг тақводорликлари билиниб турибди. Улар иймон келтирганликларини эълон қилиб, Парвардигорларидан гунохларини кечишими ва дўзах азобидан сақлашини сўрашмоқда. Дуонинг аҳамияти ниҳоятда улуғ эканини шундан ҳам билиб олсак бўлади. Банда доимий равишда, барча нарсада Аллоҳ таолога ёлвориб турмаса, тақводор бўлиши амри маҳол.

«Тафсири Ҳилол» китоби асосида тайёрланди